



**Quæstionum Canonicarum, In Quinque Libros
Decretalium, Tomus ...**

In Librum V. Decretalium, Per Quadraginta, Et Unum Titulos Distributum,
In quo agitur De Judicio criminali, exponendo primùm actiones in eo
judicio instituendas, & suscipiendas, ...

Schlüter, Georg

Augustæ Vindelicorum, 1709

Articulus II. De Saracenis.

[urn:nbn:de:hbz:466:1-73064](#)

excommunicationem tamen latam in c. *ſequis* 17. q. 4. non incurrit; quia Iudeus jurisdictioni Ecclesiæ non subest; hinc Iudex Ecclesiasticus non potest punire Iudæum propter delictum Ecclesiasticum, seu in quantum agit aliquid contra ius canonicum, & leges Ecclesiasticas; cum his non ligatur: Potest tamen ex delegatione Principis Laici, cui temporaliter subest Iudeus, si agat aliquid in contemptum Christianæ fidei; in quo, si graviter excedant, ex toto etiam territorio suo illos Princeps relegare potest, ut sœpe factum est, prout ostendit allatis exemplis Barbosa in c. *Sicut Iudei*, 9. h.t. n. 5. & alii.

ARTICULUS II.

De Saracenis.

629 **I**nſidelitas *Saracenorum*, est species paganismi, de quo n. 619. dicti sunt etiam *Agareni* ab Agar ancilla Abrahæ, & alio nomine *Ismaëlitæ* ab Ismaële filio utriusque, à quibus ducunt originem, teste Josepho lib. 1. Antiq. cap. 20. dicti *Saraceni* à Sara, à qua mendaciter finixerunt se genus traxisse, ut ignominiam declinarent. At Stephanus Græcus 1. de Urbibus, scribit, *Saracenos* fuisse populos post Nabathæos in Arabia, tales nominatos à *Saracena* Urbe Arabiæ. Hi, Mahometi falsi prophetæ institutis, & documentis imbuti Persas superarunt. Ex quo factum est, ut nomen gentis in nomen sectæ Mahometanae transierit. Inter Saracenos sunt quidam vocati *Samaritani* à Samaria Civitate, qui receperunt quinque libros Moysis, sed prophetas respuerunt. Unde differunt à Saracenis; quod hi nec verus, nec novum testamentum recipiunt. Cœterum sub prælenti titulo sub nomine *Saracenorum* veniunt omnes pagani, qui vel in gentilium coecitate perdurantes idolis serviant, vel impia Mahometis dogmata sequuntur, ut notat Zoënius h. t. n. 1.

630 Circa hos, jure communi canonico, Christianis plura interdicta sunt. Nam 1. Christiani Saracenis arma, ferrum, & lignamina (seu lignamina) galærarum deferentes, dum ad impugnandos Christianos ea subministrant, excommunicationi, & aliis poenis subjacent. c. *Ita querundam* 6. h.t. Idem statuitur in eos Christianos, qui in navibus & piraticis Saracenorum, regimen, & curam gubernationis exercent, ubi ad-

ditur, ut tales per Christianos Principes, & Civitatum Confites rerum suarum privatione malætentur, & Capientium serviant. Deinde in eodem c. statuitur, ut per Ecclesiæ maritimaram urbium crebra, & solemnis eorum excommunicatio promulgetur. In c. *ad liberandum*, 17. cod. prædicta rursus confirmantur; & quibusdam additis, statuitur, ut talibus ultra prædictas poenas, gremium S. Ecclesiæ non aperiatur, nisi totum, quod ex tam damnato commercio perceperunt, & tantundem de suo in subsidium terræ S. submiserint; & si solvendo non fuerint, alijs poenis in aliorum exemplum subdantur. *Armorum* autem nomine hoc loco veniunt ea omnia, quæ ad pugnandum tam defensivè, quam offensivè decerviunt. Barbosa in c. *Ita querundam*, n. 4. nomine *ferri* in hoc textu intelligitur tam factum, quam infectum, seu non laboratum; nomine autem *ligaminum* (seu rectius, *lignaminum*) venit lignum, ex quo fieri solent triremes, & aliud quodvis genus navigii oblongi. Sic Barbos. cit.

Ad ulteriorem horum intelligentiam 631 not. 1. prohibitionem de non ferendis armis ad *Saracenos*, intelligi de omnibus inimicis nominis Christiani, qui actu, vel habitu (hoc est frequenter) gerunt bellum contra Christianos, odio Christiani nominis; non autem, si bellum gerant contra alios Paganos. Barbos. cit. n. 8. Not. 2. Prædictam excommunicationem esse latæ sententiae, ut patet ex verbo *subjectos*; quia participium præteriti temporis, etiam in dubio, est latæ sententiae, ut notat Barbos. n. 12. ex Tiraquelle; & hodie esse de reservatis Bullæ in Coena Domini; sic Barbosa n. 2. qui num. seq. docet ex Azor. p. 1. l. 8. c. 2. q. 4. in hoc textu cap. *ita querundam* (quo fertur prædicta excommunicatio) per *Saracenos* non intelligi *Judeos*, & *Paginos*; secus, in Bulla Coenæ. Not. 3. Licer Christianis, ire ad terras Saracenorum, ut à captivitate suos liberent, etiam lytrum solvendo, c. *Significavit*, 11. h.t. probabilius tamen esse pro lytro in dato casu non posse dari arma, & similia prohibita. Sic Barbosa in c. *Significavit*. n. 2.

Not. 4. Nec post treugam factam in 632 inter Christianos, & Saracenos, sine incurso excommunicationis Christiano licere ad Saracenos prædicta prohibita deferre. c. *Significavit* 5. illi quoq. Per treugam autem intelliguntur inaudia, seu securias personis,

sonis, ac rebus concessa, ad tempus, ut dicitur c. i. de treuga, & pace. Unde, qui facit treugam, non faciat pacem, nec desistit à bello, nisi ad tempus; gloss. in cit. c. significavit. V. Post treugam. Not. 5. Durante bello, inter Christianos, & Saracenos, nullas omnino merces, etiam alias non prohibitas; nullumque subsidium hostibus fidei præstare licitum esse sub poena excommunicationis latæ sententiæ, c. quod olim 12. h.t. Not. 6. Cum prædictis decretalibus concordare Extravagantem 1. de Jud. inter communes, ubi insuper statuitur, ut tales, in diebus dominicis, ac festis publicè denuntientur excommunicati. 2. Ut sint perpetuò infames, incapaces testari, vel succedere ex testamento, aut ab intestato; ab omnibus actibus legitimis exclusi, bonis eorum ad fiscum devolutis: imò etiam jure civili, sub poena confiscationis omnium bonorum, & ipsius personæ, poenâ capitali, ejusmodi exportationes armorum prohibentur, ut dicitur L. 2. C. quæ res exportari non debent. Similes prohibitiones extant in Extravag. *Copiosus*, Joannis XXII, & Clement. *Cedîs*. cod.

⁶³³ Not. 7. Christianis quoque prohibitum esse, habitare simul cum Saracenis. c. *Judæi*. 2. h.t. nec licere quicquam illis vendere, ad eum finem, ut exfruantur, fabricentur, aut muniatur idolorum fana, c. *Consuluit*. 7. cod. licet tamen missis ad conversionem fidelium, servatâ tempo. um qualitate vesici cibis, qui ab illis apponuntur, c. *quam sit* cod. Not. 8. Saracenos (idem est de Judæis) qui habitant in terris Christianorum, debere uti habitu, à Christianis distincto; & in die passionis Domini non debere in publicum progredi, c. *in nonnullis*, 15. cod. nec capaces esse publicorum munierum inter Christianos. Sic Barboſa, in c. *Cum sit*, cod. quomodo autem eis regalia vendi possint, constat ex dict. de Judæis, supr.

ARTICULUS III.

De Servis Judeorum, & Saracenorum.

⁶³⁴ SUpponendum, *Servum* propriè, ac strictè acceptum, esse, qui jure gentium, vel civili, dominio alterius contra naturam subiicitur. Hic autem nomen *Servi* latissimè sumitur, prout dicitur à *Serviendo*, ita, ut eo nomine comprehendantur, famuli, & famulantes alicui pro-

mercede, seu stipendio. Sic Vallensis hic s. additur autem; his præmissis: In c. i. de Judæis statuitur, ne ullus Christianus Judæo serviat, & cuilibet permittatur, Christianum, servum Judæi, ab hoc, sive ad ingenuitatem, sive ad servitium, duodecim solidis redimere; quod etiam dicendum est, si servus Judæi desideret fieri Christianus, & à Domino non permittatur, sic. c. *presenti*, h.t. Hinc deducit Barboſa ex cit. c. i. quod Princeps secularis non posset permettere in suo regno, quod Judæi habeant mancipia Christiana. 2. Quod Episcopi non possint in hoc puncto diſpare. 3. Quod si Servus aſleratur emptus ab infideli, causa matrimonii, & infra sex menses expositus, emptorem non invenerit, duodecim solidis persolutis liber efficiatur; potest tamen Judæus Christianum habere in adscriptitium, in consequentiā ruris, quod possider, c. *Multorum*. h.t. Azor. p. 1. l. 8. c. 22. q. 8. An vero Judæis liceat suorum liberorum habere Nutrices Christianas constat ex Artic. 1.

ARTICULUS IV.

Quale peccatum sit transgressio predictorum Canonum?

R Esp. in iis casibus, ubi agentibus contrarium ei, quod dictis canonibus statutum est, apponitur poena excommunicationis latæ sententiæ, transgressionem ex genere suo esse peccatum grave. Nam commissio peccati, cui statuitur in peccatum excommunicatione simpliciter, semper est mortalís ex genere suo; hæc enim poena semper supponit peccatum grave, ut dicimus infra de sent. excom. In taliquis autem, ubi transgressio non statuitur poena, supponens peccatum grave, sed lex procedit præcisè prohibendo communicationem, propter periculum perversionis ad recessum à vera, & amplexum falsæ Religionis, transgressio pariter ex genere suo mortalís erit, ubi periculum est proximum. Nam fine graviter prohibito, graviter quoque prohibitum est, exponere se periculo proximo talis finis. Denique in his, in quibus inimicis crucis Christi, & Christiani nominis hostibus, præterim constanter talibus, prohibetur subministrare arma, & similia, quibus in bello, & hostilibus invasionibus vehementer juvantur ad eum finem, qui est Christianos invadere,